

**Faruk Selmanović**

**Zastupnik u Skupštini Kantona Sarajevo**

**Bosna i Hercegovina**

**Federacija Bosne i Hereegovine**

**Kanton Sarajevo**

**Skupština Kantona Sarajevo**

**n/r predsjedavajući Skupštine Kantona Sarajevo**

Na osnovu člana 106. Poslovnika Skupštine Kantona Sarajevo ("Službene novine Kantona Sarajevo", broj: 41/12, 15/13, 47/13, 47/15, 48/16), podnosima sljedeću

### **INICIJATIVU**

1. Da se na narednoj Redovnoj sednici Skupštine Kantona Sarajevo kao posebna tačka dnevnog reda razmatra učešće kompanija i drugih privrednih subjekata iz BiH u organizaciji Vlade Kantona Sarajevo na sajmu EXPO 2020 koji je održan u Dubaiju.
  
2. Zadužuje se Ministarstvo privrede Kantona Sarajevo da za naredu sjednicu Skupštine Kantona Sarajevo sačini i blagovremeno dostavi detaljan i dokumentovan izvještaj o učešću kompanija, turističkih zajednica i drugih privrednih subjekata iz BiH koji su u organizaciji Vlade Kantona Sarajevo sudjelovali na sajmu EXPO 2020.
  
3. Izvještaj iz tačke 2. ove Inicijative treba da sadrži minimalno sljedeće informacije i dokumentaciju:
  - ugovor koji je Kanton Sarajevo potpisao sa organizatorom sajma EXPO 2020,
  - akt o imenovanju Organizacionog odbora EXPO 2020 koji je donijela Vlada KS,

- spisak fizičkih i pravnih lica koja su u organizaciji Vlade Kantona Sarajevo sudjelovala na sajmu EXPO 2020,
- cjelovitu informaciju o aktivnostima i sadržajima koji su realizovni u okviru paviljona BiH na sajmu EXPO 2020,
- spisak svih bosanskohercegovačkih poduzetnika, kompanija, turističkih zajednica i drugih privrednih subjekata za čije projekte je Vlada Kantona Sarajevo osigurala sastanke sa investitorima, uz naznaku broja održanih sastanka, preciziranjem učesnika sastanka, nazivom projekata koji su bili predmet poslovnih razgovora, ishodom održanih sastanaka i naznakom konkretnih efekata održanih sastanka i oblicima uspostvljene poslovne saradnje,
- spisak svih lica koja su u organizaciji Vlade Kantona Sarajevo posjetila ili na bilo koji način sudjelovala na sajmu EXPO 2020 i prezentovala BiH ili Kanton Sarajevo, a koja nisu iz kategorije privrednih subjekata i poslovne zajednice, sa detaljnim pojašnjenjem njihove uloge i na sajmu EXPO 2020,
- dokumentaciju koja se odnosi na prava i obaveze Kantona Sarajevo, kao i prava i obaveze kompanija, turističkih zajednica i drugih poslovnih subjekata iz BiH koje su sudjelovale na sajmu EXPO 2020,
- Informaciju o finansijskim obavezama Kantona Sarajevo u vezi sa sudjelovanjem na sajmu kompanija, turističkih zajednica i drugih poslovnih subjekata iz BiH, sa izvještajem o potpisanim sporazumima ili drugim oblicima uspostavljene poslovne saradnje koja je na posredan ili neposredan način ostvarena kao rezultat sudjelovanja na sajmu EXPO 2020,
- Naznaku projekata i poslovnih aktivnosti koje su u BiH i Kantonu Sarajevo realizovani nakon završetka sajam EXPO 2020, sa naznakom njihove finansijske vrijednosti,
- druge relevantne informacije kojima se dokazuju pozitivni ekonomski i drugi efekti prisustva na sajmu EXPO 2020.

## ***Obrazloženje***

Vlada Kantona Sarajevo je 2020. godine organizovala učešće kompanija i turističkih zajednica iz Bosne i Hercegovine na sajmu EXPO 2020 koji je održan u Dubaiju. Na press konferenciji od 12. oktobra 2021. godine premijer Kantona Sarajevo, Edin Forto, ministar privrede Kantona Sarajevo Adnan Delić detaljnije su domaćoj javnosti prezentovali aktivnosti i očekivanja od učešća bosanskohercegovačkih poduzetnika na međunarodnom sajmu poduzetništva EXPO 2020.

***Na pomenutoj press konferenciji ministar privrede i predsjednik Organizacionog odbora Adnan Delić je, pored ostalog, izjavio:***

- da će KS potpisati Ugovor sa organizatorima ovog najvećeg svjetskog poduzetničkog događaja,
- da je Vlada KS usvojila određene zaključke koji su vezani za finalne aktivnosti koje se poduzimaju s ciljem realizacije učešća na ovom izuzetno važnom sajmu,
- da je KS od organizatora EXPO 2020 dobio prijedlog ugovora i da će Vlada Kantona Sarajevo nakon usvajanja Zaključka kojim prihvata ovaj ugovor, steći mogućnost upravljanja paviljonom i pripremanjem sadržaja koji će se izlagati u njemu,
- da je paviljon BiH otvoren i da je isti moguće posjetiti, a da će se sadržaji kojima će se KS i BiH predstaviti svijetu u narednim mjesecima organizirati shodno pravilima određenim od organizatora za sve učesnike ovog sajma,
- da je Vlada KS donijela odluku o formiranju Organizacionog odbora EXPO 2020 Dubai kojeg će činiti predstavnici svih relevantnih institucija sa svih nivoa vlasti u BiH,
- da trenutno u paviljonu rade volonteri koji su KS ustupljeni susretljivošću organizatora EXPO-a, te da će se to promijeniti kad se potpiše ugovor s organizatorom,
- da KS ne preuzima ulogu države, nego da je prepoznata važnost ove prilike i da KS ukazanu priliku želi da iskoristi, ne ulazeći u nadležnosti države.
- da se očekuje predstavljanje svijetu prirodnih i turističkih resursa BiH i KS, grana privrede po kojima je BiH prepoznatljiva, kao i kulture i umjetnosti koja predstavlja historiju BiH i druge specifičnosti naše domovine.

***Premijer Kantona Sarajevo je na pomenutoj press konferenciji izjavio:***

- da Vlada KS može bosanskohercegovačkim poduzetnicima sa kvalitetnim projektima u Dubaiju obezbijediti sastanke sa mnogim investitorima, što u poslovnom svijetu predstavlja resurs od neprocjenjivog značaja,
- da države koje za nastup na sajmu EXPO ulože 30, 40, 50 miliona KM vrše izračun povrata tih sredstava,
- da četiri miliona KM koja je KS izdvojio za učešće na sajmu EXPO 2020 predstavljaju ulaganje i da će KS nakon završetka sajma uraditi mjerenje-koji ugovori su potpisani i kakvi kontakti su ostvareni, te šta je BiH dobila zauzvrat.

Uvažavajući činjenicu da je sajam EXPO 2020 zvanično završen, 31. marta 2022. godine, kao i činjenicu da je Vlada KS obećala transparentno informisati javnost o učešću kompanija, turističkih zajednica i drugih privrednih subjekata iz BiH na sajmu EXPO 2022 i ostvarenim efektima, a da to do sada nikada nije učinjeno, podnosim ovu inicijativu.

Podsjećam da je ministar privrede Adnan Delić na sjednici Skupštine KS koja je održana 06.07.2022. godine odgovarajući na upit zastupnice Amre Hasagić izjavio "Trenutno na području Kantona Sarajevo se realizuju investicije koje su došle putem EXPO-a u vrijednosti od 200 miliona KM što znači da se nama ta investicija višestruko isplatila. Mogu slobodno da kažem da već pregovaramo s nekim investitorima. Jedna investicija je vrijedna 500 miliona KM, a druga blizu 100 miliona KM".

Smatram da domaća javnost, a posebno građani KS čijim novcem je finansirano učešće kompanija i drugih poslovnih subjekata iz BiH na sajmu EXPO 2020, imaju pravo biti informisani o konkretnim investicijama i projektima koji se realizuju ili će biti realizovan kao rezultat učešća na sajmu EXPO 2020.

**Faruk Selmanović**